

皋蘭縣續志卷之十二

雜錄

志有體例各以類從或事有難類者政教之餘風豈可湮沒才藝之偏長敢使淪夷况義行善舉之在人間者乎其仙釋之共知共見者亦存一格無遺漏焉續雜錄張老宮監性喜佛識字口不言禪亦不知其姓字康熙五十年得罪謫寧夏雍正初赦令下不歸京師遊蘭州丐食民間用土石砌小屋坐卧其中遇風雨匝月不出戶道光十五年八月十五日卒年百四十歲

皋蘭縣續志

卷十二

雜錄

十一

朱應昌行三矩而黑勇力絕人康熙十三年馬洪叛應吳三桂據蘭州斷河橋靖逆侯張勇令麾下將王進寶率甘涼兵討之官兵至河不得渡時應昌號扒牛兒子近焉號河螞首迎官軍折一家屋木縛為棧俟夜半潛渡官軍進寶既渡河遂克蘭州賞應昌父子渡棧功給河灣田地數十頃授以官辭不受

金花仙姑姓金字曰花世居蘭州教場關父金太翁業園圃母方姓夢月入懷取吞之洪武元年七月七日家人方祀織女星俄而始生垂髫端潔性好善不茹葷腥不衣帛

不修容飾不疾言厲色好誦黃庭內外經孝敬父母不忍
違養誓不嫁晨夕視膳暇惟紡線而已年十七父母強之
字歸衣日矣晨起忽不見周章尋覓但見姑手所紡線垂
空下繫窓櫺母循線跡訪之行行逾遠至巴彌山林木鬱
森飛鳥路絕攀藤歷斷崖緣沿逾峻峰北折黝然窈然洞
石豁開跡窈線止其洞深數百尺下臨絕澗上瞰峯頂見
姑在焉手拈線趺坐盤石上呼不應卽前搖之不語不動
容色怡然已坐化矣恍惚間又見姑飛行樹杪歷山越澗
母曰兒果仙乎吾遠來惟攜汝厨下撥火木扶而行斷線

泉蘭縣續志

卷十二

仙釋

全二

繫木上兒手跡也今挿此木山洞間兒有靈當使積木植
而蘇翌旦視之生枝葉驟長大遂成巨木柯幹漆黑異常
樹卽神樹嶺所由名也母瘞姑尸樹側其樹開黃花如金
蝴蝶飛出洞中花影陰翳綽約如人形葬未匝旬山石震
裂如疾雷破空神泉出焉泉中白霧起如絲須臾彌滿四
山風雨驟至自是周環數百里無儉歲山中人禱雨輒應
立廟山中塑姑像祀焉自明初至今五百餘年道光十九
年夏省城雨澤未時降士民王國璽葛生榮等請迎仙姑
神像於巴彌山祈雨太守唐樹義縣令嚴長宦可其請士

民設旗幟香幡迎神舊宅府縣躬祈禱甫逾日而甘雨至
送神還山又雨遠近霑沐歲以有秋太守以教場闕爲仙
姑誕生地能降靈雨福邑民令民得祠祀二十年廟成禱
雨迎神又輒應事見邑貢生萬永富金花仙姑廟碑
釋通億號雪心舊爲西寧賈人其友安世備死成縣尸不
歸母哭甚哀雪心以爲已任徒步負骨歸葬東川後爲僧
愛後五泉山林壑結菴居焉工畫山水多古意死埋夜雨
巖

釋普渡號錦然閱藏經三年工書法摩顏魯公帖年七十

皋蘭縣續志

卷十二

仙釋

三

益精苦形勢骨力酷似之其弟守亦端品工花卉

龐道士不知何許人少好道出家掛單金天觀上帝廟默
坐一室不與人言能鼓琴花木陰鬱中佛燈一龕時聞琴
響一日謂其弟子曰吾將歸矣是夜端坐無疾終

趙道士名貴直隸人乾隆初以事謫蘭州猖狂游戲喜怒
不時人遇之者以是占吉凶極驗性愛小兒乞市得錢日
食一餅外盡散之所至小兒牽衣挽鬚以百數蘭州觀察
某公素奇其行衣食之一日觀察將適萬壽宮道士遇騶
從輒拳毆擁不得前觀察怒而怪之因返衙齋人報萬壽

宮講堂屋壞始共異之善畫鬼形貌殊詭寓李滙川東關酒樓上值日酒樓火人救之不肯去或強抱使出火拔劍逐救者遂死火中李亦好道工書法與吳鎮友

劉道士名一明山西平陽府曲沃縣人家累萬金棄之往來蘭州掛單白道樓學道隱居後結廬棲雲山遇異人得參同悟真之旨精易理講太極圖先天圖多名理布衣蔬食終身不茹葷腥精醫術善眼科所醫治瞽重明者數人著書有周易三義金丹口訣十餘卷年八十坐化

技藝

皋蘭縣續志

卷十二

技藝

八四

崔竒石號蒿齋畫山水師李世倬筆墨簡淡人皆重之唐璉字汝器號介亭品格端方書畫篆刻自成一家工琴與羽客悟元子講求養生術長年夜不解衣年二十失偶不近女色者六十餘年好遊山水登峯造極步履如飛舉鄉飲者賓年八十餘無疾終

趙冲谷字懷亭號虛齋爲人端謹性和易與人交無疾聲遽色工花卉人物善養生年八十餘而終

王允中號南谷畫山水人物工琴晚年失明通數學精占

卜

楊翰號墨林豪放不羈畫山水翎毛師馬負圖畫人物多
撫雪峰道人頗有得處

醫學

徐鉉字在金恩貢生品行端方以教讀爲業善岐黃徐氏
世傳醫學在金其最著焉

流寓

陳寶仁妻章氏寶仁自五歲訂婚稍長外出不知所終氏
待字十餘載年屆三十親族勸令改適投繯數次矢志靡
移嘉慶丁卯姑死借奔喪之名遂不歸茹荼飲水又三十

皋蘭縣續志

卷十二

流寓

八五

餘載氏原籍涿州人今寄籍皋蘭

皋蘭縣續志跋

曩^嘉供職西曹先大夫家居著書與黃梅邨刺史爲

文字交及^嘉請假歸養梅邨已捐館舍矣先大夫出

此冊示^嘉曰吾邑志久未續修茲稿之作梅邨與吾

商榷有年雖粗具崖略而缺漏尚多有待補輯爾當

慎藏此稿俟名公卿之採以完吾志^嘉受命藏之惟

謹先大夫棄養後捧遺編未嘗不潸然下涕也庚子

春嚴澹廬邑侯治蘭庶事就理詢邑志於^嘉因述先

人續修未竟之事嚴侯力憇憇之^嘉乃邀先人門下

皋蘭縣續志

卷十二 跋

全六

士陸秀三廣文張子青太史重加校訂補前人所未

備錄實事之可風書成梁雲農刺史聞而善之遠寄

俸錢促付剖劂鄉之同好者復捐資以成其事^嘉因

謹紀其顛末於後竊幸先人徵文考獻之業未嘗不

朽惜乎不得起梅邨而質之也道光壬寅八月秦恩

嘉恭跋於倪窩梨花吟館

是書之成經諸同人考訂惟芝庭比部功爲最芝庭
服闋後入都供職復改官出刺三省權領代州數月
平反疑獄振興文教善政清風流傳洋溢上游方倚
重之欲加以薦擢而芝庭竟一病不起年甫五旬有
四嗚呼芝庭性孝友慷慨有奇氣工詩善畫琴書奕
射之藝無不精尤擅長於古文詞不屑屑帖括之學

困塲屋者數十年既不能優游清秘備天子顧問復不能竟其才用爲蒼生造福豈非天哉芝庭北上時是書尚未刊迨嗣君詠隨宦以資屬余俾藏其事今剗剔畢舉而芝庭已不可復覩矣激風勵俗徒託空言撫卷思人徒慙後死余從尊南觀察公遊有年與芝庭交最深知最稔芝庭所著有琴畫瑣言靈雲書屋藏詩隲各集皆卓然可傳俟嗣君詠來當索其稿并付之梨棗以永芝庭也乙巳孟秋張廷選識